

Zuhal (Transkription nach einer Tonbandaufnahme):

Kein Hai

I bi von da Türkei.

Ois Kind wor I nua oa Johr in da Türkei,
bei da Oma.

Sunst bin i do geboren, in Schwarzach do.

In da Türkei sand de Schiffei oiwei gaunga, bei dem Meer.

Mit an Schiff bin i schon amoi g'foahn, in Zell am See oben, oafoch bei an Ausflug.

Do bin i amoi mitg'foahn, wockelt a wenig, oba des mocht nix.

Und Kroatien war ma a, mit de Schiff.

Ua! – Ins Meer! Do hob I mi extrem g'fiacht!

Jo, extrem! So kleine Boote

I hob g'sogt: „I trau mi nit! Jo, wos soll I jetzt toa?“

Und mei Herz schlogt, weil I mi so fürchten o'fongt hob.

Daun hob'n sie mia g'sogt: „Na, do passiert dir nix!“

Do hobn's mi einiton, in des kloane Boot - und daun wor's wieda normal.

Jo, des Gefühl von Wasser, des merkst du dir!

Do sand lauter Haie und so Sochen drin.

Oba do war kein Hai.

Do sand mia a Runde g'foahn, des wor cool – in Kroatien!